

Resolución do 3 de xullo de 2006, da Secretaría Xeral de Emigración, pola que se regula a concesión, en réxime de concorrencia competitiva, de subvencións a concellos, mancomunidades de concellos e consorcios locais, para a realización de programas destinados a favorecer os procesos de acollida e integración da poboación inmigrante extracomunitaria na Comunidade Autónoma galega durante o ano 2006.

A Comunidade Autónoma galega participa nos últimos anos do crecemento que a poboación inmigrante extracomunitaria está a experimentar en España. Dada a rapidez coa que se produce o incremento desta poboación e a situación de vulnerabilidade á que se poden ver sometidos estes colectivos, cómpre levar a cabo o desenvolvemento de políticas de apoio á inmigración que permitan incrementar os esforzos humanos e orzamentarios dedicados aos procesos de integración.

Con este fin, a Administración do Estado e as comunidades autónomas elaboraron un Marco de Cooperación para a xestión do Fondo de Apoio á Acollida e á Integración de Inmigrantes, así como o seu reforzo educativo que foi creado no ano 2005. O crédito destinado a este fondo foi incrementado no ano 2006, e un novo marco de cooperación define os eixes de actuación nos que se enmarcan as liñas de acción que se van desenvolver polas comunidades autónomas.

Os recursos do dito fondo permítenlle á Comunidade Autónoma de Galicia aunar esforzos e abordar desde unha concepción ampla a integración da poboación inmigrante extracomunitaria nunha sociedade cada vez máis dinámica e complexa, que así se verá beneficiada coa efectiva inserción destes colectivos.

A intervención social en materia de inmigración require a participación de todos os axentes implicados, tanto públicos como privados, sendo salientable o papel que desempeñan os entes locais no desenvolvemento de programas de integración social, polo que, a través desta resolución, véñse regular a concesión de axudas, en concorrencia competitiva, a concellos, mancomunidades de concellos e consorcios locais para a realización de programas destinados a favorecer os procesos de acollida e integración da poboación inmigrante extracomunitaria e conseguir a súa incorporación e participación en todos os ámbitos da sociedade galega.

Traa a publicación do Decreto 211/2005, do 3 de agosto, que establece a estrutura orgánica da Xunta de Galicia, o Decreto 231/2005, do 11 de agosto, polo que se establecen os centros directivos dependentes da Presidencia da Xunta de Galicia, e o Decreto 44/2006, do 2 de marzo, de estrutura orgánica dos órganos superiores dependentes da Presidencia da Xunta de Galicia, a Secretaría Xeral de Emigración configúrase como o órgano superior da Administración da comunidade autónoma ao que lle corresponden, entre outras, as competencias en política migratoria en Galicia, así como a xestión de todos os procedementos que desas materias se deriven.

Así mesmo, a disposición adicional segunda do Decreto 44/2006, do 2 de marzo, de estrutura orgánica dos órganos superiores dependentes da Presidencia da Xunta de Galicia desconcentra no secretario xeral de Emigración a aprobación das bases, a convocatoria e a resolución das axudas e subvencións do seu respectivo ámbito de competencia.

Esta convocatoria, ademais das bases establecidas nesta, adáptase ao disposto no artigo 78 do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, e ao Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia.

O financiamento das axudas previstas nesta resolución de convocatoria farase con cargo ao crédito da aplicación orzamentaria 04.50.213A.460.0 que figura na Lei de orzamentos da Comunidade Autónoma de Galicia para 2006.

Por todo o exposto, e no exercicio das facultades que me confire a disposición adicional segunda do Decreto 44/2006, do 2 de marzo, de estrutura orgánica dos órganos superiores dependentes da Presidencia da Xunta de Galicia,

RESOLVO:

Artigo 1º.-Obxecto.

O obxecto da resolución é regular os requisitos e condicións para a concesión, en réxime de concorrencia competitiva, de subvencións a concellos, mancomunidades de concellos e consorcios locais para a realización de programas destinados a favorecer os procesos de acollida e integración da poboación inmigrante extracomunitaria na Comunidade Autónoma galega, así como o seu reforzo educativo, no ano 2006.

Artigo 2º.-Requisitos das entidades solicitantes.

1. As subvencións que se convocan pola presente resolución poderán ser solicitadas por aqueles concellos, mancomunidades de concellos e consorcios locais da Comunidade Autónoma galega que cumpran, na data de publicación no *Diario Oficial de Galicia*, os seguintes requisitos:

1.1. Desenvolver actuacións que favorezan a integración do colectivo inmigrante na Comunidade Autónoma de Galicia.

1.2. Ter xustificado debidamente outras subvencións recibidas con anterioridade por este departamento.

1.3. Non incorrer en ningunha das prohibicións para obter a condición de beneficiario de subvencións, enumeradas no artigo 13, da Lei 38/2003, do 17 de novembro, xeral de subvencións.

2. As entidades locais que teñan subscrito algún convenio coa Secretaría Xeral de Emigración poderán igualmente presentar solicitudes de subvención ao abeiro desta resolución, sempre que as actuacións propostas sexan distintas a aquelas obxecto de financiamento a través dos convenios en vigor.

3. Os solicitantes deberán manter os requisitos exixidos durante todo o exercicio económico para o que se concede a subvención.

Artigo 3º.-Orzamento.

1. A concesión de axudas previstas nesta resolución de convocatoria farase con cargo ao crédito da aplicación orzamentaria 04.50.213A.460.0 (1.379.306,45 €) que se inclúe nos orzamentos xerais da comunidade autónoma para o ano 2006, quedando condicionada a concesión destas axudas ao dito límite orzamentario.

2. A contía das axudas que sexan recoñecidas ao abeiro da presente resolución ascende a un total de 1.379.306,45 €, coa seguinte distribución:

- Eixe de acollida: 427.491,2 €.
- Eixe de educación: 310.578,45 €.
- Eixe de emprego: 106.872,8 €.
- Eixe de vivenda: 106.872,8 €.
- Eixe de servizos sociais: 160.309,2 €.
- Eixe de muller: 160.309,2 €.
- Eixe de sensibilización: 106.872,8 €.

3. Se como resultado da presentación de solicitudes ao abeiro desta resolución, algún dos eixes subvencionables, a excepción do eixe de educación, non resultase cuberto na totalidade da contía prevista anteriormente, poderase proceder a unha redistribución da contía non cuberta entre aqueles eixes que inclúan programas que sexan máis relevantes de cara á consecución do obxecto final desta resolución.

4. As asignacións orzamentarias poderán ser incrementadas de acordo coa dispoñibilidade orzamentaria, debendo neste suposto, distribuírse por eixes.

Artigo 4º.-Accións subvencionables e contía da axuda.

1. O importe da subvención virá determinado en función do crédito dispoñible, das solicitudes presentadas e dos criterios de valoración establecidos no artigo 6º.

2. Poderán subvencionarse con cargo a esta resolución os gastos correntes que se lles orixinen aos concellos, mancomunidades de concellos e consorcios locais aos que se lles conceda a subvención para a realización dos programas previstos no artigo 5º.

3. O órgano competente, de ser o caso, procederá á distribución entre os beneficiarios do importe global máximo destinado ás subvencións.

Artigo 5º.-Eixes e programas subvencionables.

1. Con cargo á presente resolución só poderán subvencionarse proxectos e accións referidos aos eixes e programas que se detallan a continuación:

1.1. Eixe de acollida.

1.1.a) Programa de acollida integral.

Este programa terá por obxecto a realización de proxectos que faciliten o acceso e a integración dos inmigrantes na sociedade a través da creación de

novas prazas de acollida temporal e reforzo das existentes, a cobertura das súas necesidades básicas, a impartición de clases de idiomas, accións informativas, formativas e de asesoramento xurídico, social e laboral e, de ser o caso, a elaboración de itinerarios personalizados de inserción.

1.1.b) Programa de acollida especializada para inmigrantes en situación de especial vulnerabilidade.

Este programa irá dirixido ao desenvolvemento das actuacións recollidas no programa 1.1.a) ás persoas inmigrantes en situación de especial vulnerabilidade, así como o desenvolvemento de calquera outra acción que se estime necesaria para a atención a este colectivo.

1.2. Eixe de educación.

1.2.a) Programa de reforzo educativo.

A través deste programa, e co obxectivo de atender o desfase curricular derivado da procedencia doutros sistemas educativos ou escolarizacións anteriores deficientes, desenvolveranse accións de compensación e reforzo educativo para o alumnado inmigrante en Galicia. Tamén se incluírán neste punto actividades de prevención do absentismo escolar.

1.2.b) Programa de reforzo do sistema de axudas no ámbito escolar.

Terá por obxecto reforzar as axudas no ámbito escolar a través de bolsas e axudas de comedor, transporte e material escolar.

1.2.c) Programa de promoción da educación cívica intercultural.

Este programa terá por finalidade a realización de actividades de educación intercultural e para a tolerancia, a través de prácticas e talleres educativos, xogos infantís e outras actividades similares; co fin de promover o mutuo coñecemento e o respecto das características propias de cada cultura e de fomentar actitudes positivas ante o feito da diversidade entre a poboación escolar galega.

Coa mesma finalidade, incorporaranse e distribuiranse materiais divulgativos e recursos que faciliten o coñecemento das diversas culturas e favorezan a comprensión do feito diferencial como algo que posibilita o enriquecemento mutuo.

1.2.d) Programa de aprendizaxe das linguas da sociedade de acollida.

Con este programa preténdese fomentar a aprendizaxe por parte da poboación inmigrante do coñecemento das dúas linguas vehiculares da ensinanza na Comunidade Autónoma galega así como o mantemento das linguas e culturas de orixe.

1.2.e) Programa de atención á escolarización non obrigatoria.

Este programa irá dirixido ao reforzo da escolarización dos alumnos de orixe inmigrante en etapas escolares non obrigatorias: educación infantil e educación possecundaria.

1.2.f) Programa de información e orientación sobre o sistema educativo español.

Este programa levarase a cabo a través de puntos de información sobre educación, participación nas

escolas das nais e pais e en asociacións de nais e pais de alumnos.

1.2.g) Programa de realización de actividades extracurriculares.

Fomentárase a coordinación entre os centros educativos e o seu contorno, reforzándose a participación do alumnado inmigrante en actividades extraescolares.

1.3. Eixe de emprego.

1.3.a) Apoio a programas de acceso, mellora e mantemento do emprego.

Co obxectivo de facilitar a inserción laboral dos inmigrantes, desenvolveranse actividades de asesoramento, así como accións formativas, mediadoras e de acompañamento, e todas aquelas outras que contribúan a incrementar a empregabilidade do colectivo.

1.3.b) Fomento da iniciativa empresarial e o traballo por conta propia ou traballo asociado (autoemprego, microcréditos e economía social).

Este programa ten por obxecto o desenvolvemento de accións de asesoramento e apoio aos inmigrantes para promover proxectos de autoemprego, creación de pequenas empresas e entidades de economía social na Comunidade Autónoma galega, a través de accións de formación, titorización, acompañamento e seguimento que contribúan á súa posta en funcionamento e/ou á súa consolidación.

1.3.c) Formación en novas tecnoloxías.

Co fin de aumentar as posibilidades de emprego dos inmigrantes, incluíranse actividades que faciliten o coñecemento das novas tecnoloxías, por resultar fundamentais tanto para a viabilidade dos proxectos de autoemprego como para completar a formación curricular precisa para a obtención dun emprego por conta allea.

1.3.d) Formación en interculturalidade de profesionais dos servizos públicos de emprego e axentes de desenvolvemento local.

Desenvolveranse actividades formativas e informativas sobre accións de axuda e inserción laboral, dirixidas aos profesionais que traballan con persoas inmigrantes, tales como traballadores sociais, pedagogos, mediadores, técnicos de emprego, axentes de desenvolvemento local, etc., co obxecto de transmitirles coñecementos específicos que lles permitan aumentar a eficacia dos programas de inserción sociolaboral que levan a cabo co colectivo inmigrante.

1.4. Eixe de vivenda.

1.4.a) Programa de integración no contorno urbano.

Ten por obxecto o desenvolvemento de actuacións que posibiliten o acceso á vivenda en aluguer da poboación inmigrante, mediante a posta en práctica de accións tendentes a remover obstáculos tales como: intermediación entre os propietarios da vivenda e os inmigrantes, facilitación de constitucións de avais e garantías aos propietarios e outras medidas.

1.4.b) Programa de inserción de familias inmigrantes en contornos con escasa poboación.

Co obxecto de frear o éxodo no ámbito rural, e ao mesmo tempo contribuír á integración social da poboación inmigrante, desenvolveranse accións que favorezan o asentamento de familias inmigrantes naqueles contornos rurais con escasa poboación.

1.5. Eixe de servizos sociais.

1.5.a) Programa de reforzo dos servizos sociais.

Incluírase o reforzo tanto dos recursos organizativos como humanos dos servizos sociais de atención primaria co obxecto de acadar unha mellora na atención ao colectivo inmigrante.

1.5.b) Programa de formación de profesionais na atención á poboación de distintas orixes e culturas e mediación intercultural.

Desenvolveranse actividades formativas e informativas sobre accións de axuda e inserción laboral, dirixidas a profesionais que traballan con persoas inmigrantes, co obxecto de transmitirles os coñecementos específicos que lles permitan aumentar a eficacia dos programas de inserción sociolaboral que desenvolven en relación co dito colectivo.

1.6. Eixe de muller.

1.6.a) Programa integral dirixido ás mulleres inmigrantes.

As actuacións que se enmarquen dentro deste programa irán dirixidas exclusivamente a mulleres inmigrantes da nosa comunidade autónoma: educación de adultos, formación profesional, cursos de habilidades sociais, inserción laboral e educación para a saúde.

1.6.b) Programa de integración social de mulleres inmigrantes en situación de especial vulnerabilidade.

Este programa engloba as accións dirixidas a facilitar a integración social das mulleres inmigrantes que se atopan en situacións de especial vulnerabilidade, especialmente aquelas que sexan vítimas da violencia de xénero.

1.7. Eixe de sensibilización.

1.7.a) Promoción dunha imaxe positiva da inmigración.

Incluíranse proxectos que favorezan a sensibilización da sociedade galega e fomenten actitudes positivas respecto ao colectivo inmigrante asentado na Comunidade Autónoma galega, así como a loita contra a súa discriminación, promovéndose valores de respecto, tolerancia e solidariedade que eviten no futuro actitudes racistas ou xenófobas.

2. Estes programas ou accións poderán ser xestionados directamente polos concellos, mancomunidades de concellos e consorcios locais ou poden ser obxecto dunha xestión indirecta a través doutras entidades ou asociacións colaboradoras sen ánimo de lucro.

Artigo 6º.-Criterios para a concesión das axudas.

1. A comisión de avaliación determinará tanto as entidades beneficiarias, como a contía da subvención

que se lle vaia conceder a cada unha delas, en función dos seguintes criterios de valoración:

1.1. Criterios demográficos.

* Poboación total empadroada o 1 de xaneiro de 2005.

* Poboación total extracomunitaria empadroada o 1 de xaneiro de 2005.

* Porcentaxe de poboación extracomunitaria empadroada o 1 de xaneiro de 2005.

* Crecemento da poboación extracomunitaria empadroada nos tres últimos anos.

1.2. Cofinanciamento.

* Porcentaxe de financiamento achegada pola entidade a nivel de programa.

* Achega de medios humanos propios a nivel de programa.

* Infraestrutura propia para o desenvolvemento do programa.

* Desenvolvemento no ano 2006 por parte da entidade doutras accións no ámbito da inmigración distintas daquelas para as que se solicita esta subvención.

1.3. Programas e actuacións presentadas.

* Calidade técnica do programa: valorarase o contido técnico do programa e a súa adecuación aos obxectivos propostos, calendario de actuación e a descrición das actuacións concretas que se van desenvolver. No caso de prazas de acollida, valorarase o número total de prazas indicando as xa existentes e as de nova creación, así como os servizos incluídos, o custo medio diario de cada unha delas, o período da súa oferta e a súa distribución territorial.

* Carácter innovador das actuacións que se van desenvolver no programa.

* Incorporación nas súas actuacións de perspectiva de xénero e igualdade de trato.

* Número de persoas potencialmente destinatarias en cada programa.

* Colaboración cidadá na execución do programa.

2. Se unha actuación ou proxecto concreto para a que se solicita a subvención, puidese encaixar nun eixe ou programa distinto do indicado pola entidade solicitante, o órgano competente poderá situar a actuación concreta naquel eixe ou programa dos reflectidos no artigo 5º que resulte máis favorable para a concesión da subvención.

3. Na concesión das subvencións a comisión de valoración terá en conta a existencia ou subvención de servizos ou actividades que cubran os mesmos eixes subvencionables no mesmo ámbito territorial ou subxectivo, realizadas polas entidades solicitantes da subvención ou outras entidades.

4. A consecuencia da aplicación dos criterios de valoración previstos neste artigo, as entidades que resulten beneficiarias poderán recibir unha subvención total ou parcial dos custos previstos no orzamento total presentado coa súa solicitude.

Artigo 7º.-Solicitudes e prazo.

1. As solicitudes de axudas dirixiranse á Secretaría Xeral de Emigración (rúa dos Basquiños, 2; 15704 Santiago de Compostela. A Coruña), e presentaranse por calquera das formas previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. O prazo de presentación será de trinta e un días naturais contados desde o día seguinte ao da publicación desta resolución no *Diario Oficial de Galicia*.

Artigo 8º.-Documentación.

1. As solicitudes presentaranse segundo o modelo establecido como anexo I a esta resolución, debendo relacionarse todos os proxectos para os que a entidade solicita a subvención, indicando, expresamente, o eixe e o programa do artigo 5º nos que se incardinarían estes. Non se poderá presentar un mesmo proxecto ou acción que se incardine en máis dun programa.

As solicitudes deberán ir acompañadas da seguinte documentación en orixinal ou copia debidamente compulsada:

1.1. Acreditación da personalidade do solicitante, así como documento acreditativo para actuar en nome e representación da entidade local solicitante.

1.2. Tarxeta de identificación fiscal da entidade solicitante.

1.3. Ficha de solicitude de transferencia bancaria de acordo co modelo do anexo II.

1.4. Memoria de cada un dos programas para os que se solicita a subvención.

1.5. Fichas explicativas do programa e das actividades de acordo co modelo recollido no anexo III.

1.6. Declaración de axudas solicitadas e/ou concedidas para a mesma finalidade, procedentes doutras administracións públicas, Unión Europea ou calquera outro ente público ou privado, segundo modelo recollido no anexo IV.

1.7. Declaración expresa de non estar incursos nas circunstancias previstas no artigo 13 da Lei 38/2003, do 17 de novembro, xeral de subvencións, segundo modelo relacionado no anexo V.

1.8. Certificación expedida polo secretario da entidade local ou funcionario que ostente a fe pública, incluíndo:

a) Acordo ou resolución da entidade local de solicitar a subvención, con indicación da contía solicitada polo eixe e programa.

b) As accións desenvoltas ou en desenvolvemento no ano 2006 por parte da entidade no ámbito da inmigración distintas daquelas para as que se solicita esta subvención.

2. Se a solicitude non estivese debidamente cuberta ou non se achegase a documentación exixida, a Secretaría Xeral de Emigración requirirá o interesado para que, nun prazo máximo de dez días hábiles, emende a falta ou achegue os documentos precep-

tivos, con indicación de que, se así non o fixese, se entenderá por desistido da súa petición, de conformidade co disposto no artigo 71 da Lei 30/1992, de réxime xurídico das administracións públicas e do procedemento administrativo común, logo da resolución ditada nos termos previstos no artigo 42 da citada Lei 30/1992.

Artigo 9º.-Procedemento de concesión da subvención.

1. O procedemento para a tramitación e concesión das axudas que se convocan pola presente resolución axustarase ao previsto no Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia e na Lei 30/1992, do 26 de novembro, de réxime xurídico das administracións públicas e do procedemento administrativo común. As solicitudes someteranse a un réxime de concorrencia competitiva, tal como recolle a devandita Lei de réxime financeiro e orzamentario de Galicia no seu artigo 78.

2. Correspóndelle á Secretaría Xeral de Emigración a realización das tarefas de xestión desta convocatoria, sempre de acordo coa existencia de disponibilidades orzamentarias. Para isto, crearase unha comisión de avaliación, que ademais será órgano instrutor, presidida polo subdirector xeral de Xestión de Programas do Retorno e a Inmigración, ou persoa na que delegue, e composta polos seguintes membros:

-A xefa do Servizo de Programas e Atención Integral.

-A xefa do Servizo de Información e Tramitación de Subvencións.

-Un/unha xefe/a de sección da unidade.

-Un/unha funcionario/a da unidade que actuará como secretario/a.

3. Os expedientes serán avaliados pola comisión segundo os criterios establecidos no artigo 6º. Posteriormente a comisión elaborará unha proposta de concesión, a través da Subdirección Xeral de Xestión de Programas do Retorno e a Inmigración, que se lle presentarán ao secretario xeral de Emigración, quen resolverá dentro das disponibilidades orzamentarias.

Artigo 10º.-Resolución.

As resolucións do secretario xeral de Emigración seranlles notificadas aos interesados, debendo ser sempre motivadas. A Secretaría Xeral de Emigración publicará no *Diario Oficial de Galicia* as subvencións de contía superior a 3.000 euros concedidas a través desta convocatoria, indicando o programa e crédito orzamentario ao que se imputan, beneficiario, cantidade concedida e finalidade para a que se outorga a axuda. No suposto de subvencións de contía inferior á cantidade sinalada, a publicación na páxina web www.galiciaaberta.com asegurará a publicidade dos beneficiarios das axudas, de acordo coas súas especiais características, contía e número.

O prazo máximo para resolver e notificar será de catro meses, que comezarán a contar desde a data de publicación desta resolución no *Diario Oficial*

de Galicia. Transcorrido o dito prazo sen que se ditasen e notificasen as resolucións expresas, poderán entenderse desestimadas as solicitudes, de acordo co establecido nos artigos 1 e 2 da Lei 6/2001, do 29 de xuño, de adecuación da normativa da Comunidade Autónoma de Galicia á Lei 4/1999, do 13 de xaneiro, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común.

As resolucións que se diten neste procedemento esgotan a vía administrativa, e contra elas cabe interpoñer potestativamente recurso de reposición ante o mesmo órgano que as ditou, nun prazo dun mes contado a partir do día seguinte ao da recepción da correspondente notificación, no caso de resolucións expresas, ou nun prazo de tres meses contados a partir do día seguinte a aquel no que se entenda producido o acto presunto, no caso de resolucións desestimadas por silencio administrativo, de acordo co disposto na Lei 30/1992, do 26 de novembro, de réxime xurídico das administracións públicas e do procedemento administrativo común.

Así mesmo, poderá interpoñerse recurso contencioso-administrativo ante o Tribunal Superior de Xustiza de Galicia, nun prazo de dous meses contados a partir do día seguinte ao da recepción da correspondente notificación, no caso de resolucións expresas, ou nun prazo de seis meses contados a partir do día seguinte a aquel no que se entenda producido o acto presunto, no caso de resolucións desestimadas por silencio administrativo, de acordo co establecido na Lei 29/1998, do 13 de xullo, da xurisdición contencioso-administrativa.

Artigo 11º.-Aceptación da subvención.

No suposto de que a entidade non acepte a subvención concedida, deberá comunicarllo á Secretaría Xeral de Emigración no prazo máximo de dez días contados a partir da notificación da resolución.

Artigo 12º.-Obrigas das entidades subvencionadas.

1. Os beneficiarios destas axudas deberán:

a) Realizar o proxecto ou acción que fundamenta a concesión da subvención. En todo caso, as actuacións que se vaian subvencionar deberanse realizar no ano 2006 e antes da finalización do prazo de xustificación establecido no artigo 13º.5 desta resolución.

b) Acreditar ante a entidade concedente a realización da actividade e o cumprimento dos requisitos ou das condicións que determinen a concesión da axuda ou subvención.

c) Facer constar, en todo tipo de publicidade e información, a condición de entidade subvencionada polo Ministerio de Traballo e Asuntos Sociais e a Secretaría Xeral de Emigración, así como os seus correspondentes logos.

d) Someterse ás actuacións de comprobación que considere oportuno a Secretaría Xeral de Emigración e ás de control financeiro que corresponden á Inter-

vención Xeral da Comunidade Autónoma, ao Tribunal de Contas e ao Consello de Contas segundo a lexislación vixente na materia, facilitando o seu labor de fiscalización e control.

e) As entidades locais beneficiarias da axuda deberán informar inmediatamente a Secretaría Xeral de Emigración, sobre calquera eventualidade que altere ou dificulte o desenvolvemento da actividade subvencionada.

2. Todos os proxectos ou accións obxecto de subvención a través desta resolución pasarán a formar parte dunha rede de atención ao inmigrante. Para estes efectos, as entidades beneficiarias deberán informar a Secretaría Xeral de Emigración de todas as actuacións e calquera outra información solicitada en relación coa xestión da subvención concedida co fin de acadar a súa maior difusión.

3. Os beneficiarios quedan obrigados a facilitarlle, á Secretaría Xeral de Emigración, o exame das actividades tanto na súa execución como con posterioridade ao seu remate, así como toda aquela información que lles sexa requirida, para o que garantirá o acceso dos representantes da secretaría xeral ao lugar das accións, ás contas e demais documentación que se considere oportuna.

Artigo 13º.-Forma de xustificación e pagamento das subvencións.

1. As entidades subvencionadas quedan obrigadas a xustificar os gastos correspondentes ao custo total do programa.

2. Poderán xustificarse con cargo á subvención recibida os gastos que se realicen desde o 1 de xaneiro de 2006 e antes da finalización do prazo de xustificación recollido neste artigo e de acordo coas accións recollidas nos distintos programas e eixes reflectidos na memoria presentada.

3. Poderán efectuarse pagamentos parciais, logo da xustificación, a conta da liquidación definitiva, de ata un máximo do 80% do importe da subvención concedida.

Para a xustificación, os concellos, mancomunidades de concellos e os consorcios locais deberán presentar certificación orixinal expedida polo órgano que teña atribuídas as correspondentes facultades de control na entidade local que acredite a realización dos gastos para os fins e programas establecidos nesta resolución e o importe ao que ascenderon de acordo co modelo especificado no anexo VI.

4. A xustificación final da subvención deberá ir acompañada, ademais de polo establecido no punto anterior, da seguinte documentación debidamente asinada polo representante da entidade:

a) Memoria técnica xustificativa da aplicación da subvención concedida e explicativa da execución de cada programa e proxecto, de acordo co modelo especificado no anexo VII.

b) Declaración complementaria do conxunto das axudas solicitadas para a mesma actividade, tanto as aprobadas ou concedidas como as pendentes de resolución, das administracións públicas competen-

tes ou calquera dos seus organismos, entes ou sociedades.

5. O prazo de xustificación e entrega da totalidade da documentación será ata o 1 de decembro de 2006.

6. A Secretaría Xeral de Emigración, en todo momento, poderá solicitar calquera outra documentación que considere oportuna para a xustificación da subvención.

Artigo 14º.-Compatibilidade das axudas.

As axudas concedidas en virtude desta resolución serán compatibles con outras, calquera que sexa a súa natureza, administración ou entidade que llas conceda excepto das derivadas de convenios subscritos coa Secretaría Xeral de Emigración para a mesma finalidade e, en todo caso, tendo en conta que a suma de todas elas non poderá superar o custo total da actividade subvencionable. Para a determinación do cumprimento deste requisito, o beneficiario da axuda deberá informar no momento da solicitude e ao longo do ano 2006 de todas as axudas e subvencións que para o mesmo fin perciba de calquera entidade pública ou privada.

Artigo 15º.-Modificación da resolución de concesión.

As entidades beneficiarias das axudas quedan obrigadas a comunicarlle á Secretaría Xeral de Emigración, no momento no que se produza, calquera alteración dos requisitos exixidos na convocatoria ou de circunstancias sobrevidas que impidan ou dificulten a execución das actividades, podendo a Secretaría Xeral de Emigración adoptar a resolución de modificación da concesión que corresponda, de acordo co disposto no artigo 78 do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia.

Artigo 16º.-Reintegro.

Procederá a apertura de expediente para o reintegro total ou parcial das cantidades percibidas e a exixencia dos xuros de demora, nos casos e nos termos previstos no artigo 78 do texto refundido da Lei de réxime financeiro e orzamentario de Galicia e no Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia.

Disposición adicional

Facúltase o subdirector xeral de Xestión de Programas do Retorno e a Inmigración para que dite as instrucións e aclaracións necesarias para o desenvolvemento e cumprimento desta resolución.

Disposición derradeira

Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 3 de xullo de 2006.

Manuel Luis Rodríguez González
Secretario xeral de Emigración

ANEXO I

**XUNTA DE GALICIA**

CONSELLERÍA DE PRESIDENCIA,
ADMINISTRACIÓNS PÚBLICAS E
XUSTIZA

PROCEDEMENTO SUBVENCIÓNS A CONCELLOS, MANCOMUNIDADES DE CONCELLOS E CONSORCIOS LOCAIS, PARA A REALIZACIÓN DE PROGRAMAS DESTINADOS A FAVORECER OS PROCESOS DE ACOLLIDA E INTEGRACIÓN DA POBOACIÓN INMIGRANTE EXTRACOMUNITARIA NA COMUNIDADE AUTÓNOMA GALEGA DURANTE O ANO 2006	CÓDIGO DO PROCEDEMENTO PR907A	DOCUMENTO SOLICITUDE
---	---	------------------------------------

DATOS DA ENTIDADE SOLICITANTE

NOME OU RAZÓN SOCIAL		CIF	
ENDEREZO			CÓDIGO POSTAL
LOCALIDADE	PROVINCIA	TELÉFONO	FAX
E-MAIL			

DATOS DO/A REPRESENTANTE

APELLIDOS E NOME	NIF
ENDEREZO PARA EFECTOS DE NOTIFICACIÓNS	LOCALIDADE E CÓDIGO POSTAL

DATOS DA POBOACIÓN EXTRACOMUNITARIA EMPADROADA NA ENTIDADE LOCAL A DATA 1 DE XANEIRO DE 2005 (SEGUNDO DATOS DO INE)

POBOACIÓN TOTAL EMPADROADA	
POBOACIÓN TOTAL EXTRACOMUNITARIA EMPADROADA	
PORCENTAXE DE POBOACIÓN EXTRACOMUNITARIA	
CRECIMENTO DA POBOACIÓN EXTRACOMUNITARIA NOS TRES ÚLTIMOS ANOS	

DECLARACIÓN

DECLARO BAIXO A MIÑA RESPONSABILIDADE que son certos os datos consignados nesta solicitude e acepto, como representante da entidade que se indica, someterme ás normas da convocatoria, facilitar a información e documentación que se solicite, de ser o caso, e permitir e facilitar o labor do persoal encargado de avaliar a solicitude.

_____, ____ de _____ de ____

Asdo.: _____

LEGISLACIÓN APLICABLE <i>Resolución do 3 de xullo de 2006, da Secretaría Xeral de Emigración, pola que se regula a concesión, en réxime de concorrencia competitiva, de subvencións a concellos, mancomunidades de concellos e consorcios locais, para a realización de programas destinados a favorecer os procesos de acollida e integración da poboación inmigrante extracomunitaria na Comunidade Autónoma galega durante o ano 2006.</i>
SINATURA DO SOLICITANTE _____ de _____ de 2006

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA
		____/____/____
REVISADO E CONFORME		DATA DE EFECTOS
		____/____/____
		DATA DE SAÍDA
		____/____/____

Secretario xeral de Emigración

EIXES E PROGRAMAS PARA OS QUE SE SOLICITA A SUBVENCIÓN

EIXE	PROGRAMA	PROXECTO OU ACTUACIÓN	CONTÍA SOLICITADA	CUSTO TOTAL DO PROGRAMA
IMPORTE TOTAL DA SUBVENCIÓN SOLICITADA				

*Pode continuar en folia aparte

ACCIÓNS DESENVOLVIDAS OU EN DESENVOLVEMENTO NO ANO 2006 NO ÁMBITO DA INMIGRACIÓN DISTINTAS DAQUELAS PARA AS QUE SE SOLICITA A SUBVENCIÓN

ACCIÓN	OBXECTO	COLECTIVO	ORZAMENTO

DOCUMENTACIÓN QUE SE ACHEGA COA SOLICITUDE (marcar cun "x" o que corresponda)

- ACREDITACIÓN DA PERSONALIDADE DO SOLICITANTE (DNI, NIE, PASAPORTE)
- DOCUMENTO ACREDITATIVO PARA ACTUAR EN NOME E REPRESENTACIÓN DA ENTIDADE LOCAL SOLICITANTE
- FOTOCOPIA COTEXADA TARXETA DE IDENTIFICACIÓN FISCAL
- FICHA DE SOLICITUDE DE TRANSFERENCIA BANCARIA (ANEXO II)
- MEMORIA DE CADA UN DOS PROGRAMAS
- FICHA EXPLICATIVA DO PROGRAMA E DAS ACTIVIDADES (ANEXO III)
- DECLARACIÓN DE AXUDAS (ANEXO IV)
- DECLARACIÓN DE NON ESTAR INCURSA A ENTIDADE NA PROHIBICIÓN DE OBTEN A CONDICIÓ DE BENEFICIARIO (ANEXO V)
- CERTIFICACIÓN EXPEDIDA POLO SECRETARIO DA ENTIDADE LOCAL OU FUNCIONARIO CON CAPACIDADE PARA DAR FE PÚBLICA. (ARTIGO 8.1.1.8 DA CONVOCATORIA)

ANEXO III

FICHA EXPLICATIVA DO PROGRAMA

(Deberá achegarse unha memoria por cada programa que se vaia desenvolver)

DENOMINACIÓN DO EIXE	DENOMINACIÓN DO PROGRAMA	CONCELLO/MAN/COMUNIDADE/CONSORCIO
RESPONSABLE DO PROGRAMA	TELÉFONO DE CONTACTO	CORREO ELECTRÓNICO

BREVE DESCRICIÓN DO CONTIDO E A XUSTIFICACIÓN DO PROGRAMA

OBXECTIVOS

ORZAMENTO PREVISTO			
TOTAL DO PROGRAMA	ACHEGA PROPIA	ACHEGA S.X. EMIGRACIÓN	OUTRAS ACHEGAS

RECURSOS NECESARIOS		
HUMANOS	PROPIOS	VOLUNTARIOS
OTROS RECURSOS E INFRAESTRUTURAS		

RELACIÓN DE ACTIVIDADES QUE SE VAN DESENVOLVER DENTRO DO PROGRAMA	
Nº FICHA	DENOMINACIÓN DA ACTIVIDADE
1	
2	
3	
4	
5	
6	
7	
8	
9	
10	

OBSERVACIÓNS

FICHA EXPLICATIVA DA ACTIVIDADE

(Deberá achegarse unha ficha por cada actividade que se vai desenvolver)

EIXE	
PROGRAMA	

DENOMINACIÓN DA ACTIVIDADE	NÚMERO DE FICHA

BREVE DESCRICIÓN DA ACTIVIDADE

ÁMBITO E LOCALIZACIÓN DA ACTIVIDADE

COLECTIVO/S AO/S QUE VAI DIRIXIDO

TIPOLOXÍA DOS DISPOSITIVOS UTILIZADOS PARA O DESENVOLVEMENTO DA ACTIVIDADE

TIPOLOXÍA DAS ACCIÓNS

PERÍODO DE EXECUCIÓN	
----------------------	--

GESTIÓN	<input type="checkbox"/> DIRECTA	<input type="checkbox"/> INDIRECTA: INDICAR A/S ENTIDADE/S OU ASOCIACIÓN/S	_____

CUSTO DA ACTIVIDADE			
TOTAL	ACHEGA PROPIA	ACHEGA S.X. EMIGRACIÓN	OUTRAS ACHEGAS

NÚMERO PRAZAS ACOLLIDA		<input type="checkbox"/> EXISTENTES	
		<input type="checkbox"/> NOVA CREACIÓN	

NÚMERO DE ACCIÓNS	
-------------------	--

NÚMERO DE BENEFICIARIOS TOTAL		HOMES	
		MULLERES	